

სსიპ  
საქართველოს ტექნიკური უნივერსიტეტი  
ბრძანება

15.09.2016 № 142

თბილისი

2016/2017 სასწავლო წლის პირველი  
სემესტრის სასწავლო განრიგის შესახებ

“უმაღლესი განათლების შესახებ“ საქართველოს კანონის, “უმაღლესი საგანმანათლებლო პროგრამების კრედიტებით გაანგარიშების წესის დამტკიცების შესახებ“ საქართველოს განათლებისა და მეცნიერების მინისტრის 2007 წლის 5 იანვრის №3 ბრძანების, საქართველოს ტექნიკურ უნივერსიტეტში სასწავლო პროცესის მართვის ინსტრუქციის საფუძველზე, 2016/2017 სასწავლო წლის პირველი სემესტრის ორგანიზებულად ჩატარების მიზნით

ვ ბ რ ძ ა ნ ე ბ :

1. 2016/2017 სასწავლო წლის პირველი სემესტრის სააუდიტორიო მეცადინეობები (ლექცია, პრაქტიკული, ლაბორატორია, სემინარი და ა.შ.) უმაღლესი განათლების ყველა საფეხურის (ბაკალავრიატი, მაგისტრატურა, დოქტორანტურა, აგრეთვე პროფესიული უმაღლესი განათლება) სწავლების ყველა წლის სტუდენტებისათვის, გარდა საქართველოს ტექნიკურ უნივერსიტეტსა და სან-დიეგოს სახელმწიფო უნივერსიტეტს შორის თანამშრომლობით განსახორციელებელი უმაღლესი საგანმანათლებლო პროგრამებისა (ბაკალავრიატი), ჩატარდეს 2016 წლის 10 ოქტომბრიდან 2017 წლის 11 თებერვლის ჩათვლით (იხ. დანართი 1);
2. პრაქტიკა, მისი სპეციფიკიდან გამომდინარე, ჩატარდეს სასწავლო კურსის პროგრამის (სილაბუსის) შესაბამისად;
3. უმაღლესი განათლების ყველა საფეხურის სასწავლო კომპონენტებში პირველი შუალედური გამოცდა (ტესტირება) ჩატარდეს მე-7 სასწავლო კვირაში – 2016 წლის 21 ნოემბრიდან 26 ნოემბრის ჩათვლით, ხოლო მე-2 შუალედური გამოცდა (ტესტირება) – მე-14 სასწავლო კვირაში, 2017 წლის 16 იანვრიდან 21 იანვრის ჩათვლით; დასკვნითი გამოცდები ჩატარდეს 2017 წლის 13 თებერვლიდან 25 თებერვლის ჩათვლით, ხოლო დამატებითი გამოცდები – 2017 წლის 27 თებერვლიდან 04 მარტის ჩათვლით (იხ. დანართი 1);
4. მაგისტრატურისა და დოქტორანტურის კვლევითი კომპონენტი (პროსპექტუსი, კოლოკვიუმი, სამაგისტრო საკვალიფიკაციო ნაშრომის/სადოქტორო დისერტაციის დაცვა) უნდა შეფასდეს ერთჯერადად. აღნიშნული, როგორც წესი, უნდა განხორციელდეს დასკვნითი გამოცდების ვადაში (იხ. დანართი 1);
5. შუალედური გამოცდების (ტესტირებების) კვირებში სააუდიტორიო მეცადინეობები არ დაიგეგმოს (იხ. დანართი 1);
6. დოქტორანტურის კომპონენტში – „დისერტაციის დასრულება და დაცვა“ დისერტაციის წინასწარი დაცვა ჩატარდეს მე-8 სასწავლო კვირაში – 2016 წლის 28 ნოემბრიდან 03 დეკემბრის ჩათვლით (იხ. დანართი 1);
7. სასწავლო კომპონენტის (სასწავლო კურსი, სემინარი, პრაქტიკა და სხვა) წამყვანი პროფესორი ვალდებულია უნივერსიტეტის ვებგვერდზე განთავსებულ სტუდენტთა შეფასების ელექტრონულ უწყისში (შემდგომში – ელექტრონული უწყისი, იხ. დანართი 3, 4, 6) სტუდენტთა ყოველკვირეული შეფასების (გარდა დოქტორანტურის სასწავლო კურსისა), შუალედური გამოცდის (ტესტირების), დასკვნითი ან/და დამატებითი გამოცდის (იხ. დანართი 2) შედეგები შეიტანოს არაუგვიანეს შეფასების/გამოცდის ჩატარების ბოლო ვადის მომდევნო ორი სამუშაო დღისა (17 საათამდე);

8. უნივერსიტეტის საგამოცდო ცენტრი ვალდებულია ელექტრონულ უწყისში შეიტანოს კომპიუტერულ ცენტრში ჩატარებული შუალედური გამოცდის (ტესტირების), დასკვნითი ან/და დამატებითი გამოცდის შედეგები არაუგვიანეს გამოცდის/ტესტირების ჩატარების ბოლო ვადის მომდევნო ორი სამუშაო დღისა (17 საათამდე);
9. მაგისტრანტის ხელმძღვანელი/დოქტორანტის სამეცნიერო ხელმძღვანელი ვალდებულია კვლევითი კომპონენტის (დოქტორანტურაში – აგრეთვე სემინარის) შეფასების შედეგი შეიტანოს ელექტრონულ უწყისში (იხ. დანართი 5-8) არაუგვიანეს შესაბამისი შეფასების/დაცვის ჩატარების ბოლო ვადის მომდევნო ორი სამუშაო დღისა (17 საათამდე);
10. სემესტრის ბოლოს, არაუგვიანეს დამატებითი გამოცდის ჩატარების ბოლო ვადის მომდევნო ორი სამუშაო დღისა, სასწავლო კომპონენტის წამყვანი პროფესორი, მაგისტრანტის ხელმძღვანელი/დოქტორანტის სამეცნიერო ხელმძღვანელი აკადემიურ დეპარტამენტში ელექტრონული უწყისის ამონაბეჭდზე (2 ეგზ.) ხელმოწერით დაადასტურებს მონაცემებს. დეპარტამენტის სპეციალისტი უწყისს გაატარებს რეგისტრაციაში და არსებული წესის მიხედვით გადასცემს დეკანატს;
11. დაევალოთ ფაკულტეტების დეკანებს:
  - 11.1. სემესტრის დაწყებამდე ორი კვირით ადრე სწავლების დეპარტამენტში შესათანხმებლად წარადგინონ საფაკულტეტო ბრძანებების პროექტები მიმდინარე სემესტრში საწარმოო პრაქტიკის გავლის გრაფიკის შესახებ;
  - 11.2. სემესტრის დაწყებამდე ერთი კვირით ადრე სწავლების დეპარტამენტში წარადგინონ ინფორმაცია აკადემიური ჯგუფების მიერ მიმდინარე სემესტრში გეგმურად გასავლელი სასწავლო კურსებისა (მათ შორის – სასწავლო და საწარმოო პრაქტიკის) და კვლევითი კომპონენტების ელექტრონული უწყისების ფორმირების დასრულების შესახებ;
  - 11.3. სემესტრის დაწყებამდე უზრუნველყონ სტუდენტთა აკადემიური (წინა სემესტრის/სემესტრების სწავლის შედეგების შემოწმება და სასწავლო ხელშეკრულების გაფორმება) და ადმინისტრაციული (საფინანსო ხელშეკრულების გაფორმება და სწავლის საფასურის გადახდა) რეგისტრაციის ჩატარება, რეგისტრირებული სტუდენტების ელექტრონულ უწყისებში ასახვა;
  - 11.4. სემესტრის დაწყებიდან ერთ კვირაში უზრუნველყონ არარეგისტრირებულ სტუდენტთა ინფორმირება;
  - 11.5. სემესტრის დაწყებიდან არაუგვიანეს ერთი თვისა სწავლების დეპარტამენტში წარადგინონ საფაკულტეტო ბრძანებები აკადემიური დავალიანების მქონე სტუდენტების სასწავლო კურსებისა და კვლევითი კომპონენტების დამატებით (ხელახლა) გასავლელად დაშვების თაობაზე, აგრეთვე ინფორმაცია შესაბამისი ელექტრონული უწყისების ფორმირების დასრულების შესახებ;
  - 11.6. სემესტრის დაწყებიდან არაუგვიანეს ერთი თვისა სწავლების დეპარტამენტში წარადგინონ ინფორმაცია ბაკალავრიატისა და პროფესიული უმაღლესი განათლების დამამთავრებელი სემესტრის სტუდენტების აკადემიური დავალიანების შესახებ;
  - 11.7. სემესტრის დაწყებიდან არაუგვიანეს ერთი თვისა სწავლების დეპარტამენტში წარადგინონ საფაკულტეტო ბრძანებები მიმდინარე სემესტრში კომპონენტზე – „სამაგისტრო ნაშრომის დასრულება და დაცვა“ მაგისტრანტების დაშვების შესახებ (იხ. დანართი 9);
  - 11.8. სამაგისტრო საკვალიფიკაციო ნაშრომების დაცვამდე არანაკლებ ორი კვირით ადრე წარმოადგინონ ბრძანებების პროექტები საგამოცდო კომისიების შემადგენლობის დამტკიცებისა და ნაშრომების დაცვის დანიშვნის შესახებ მაგისტრანტის, თემის დასახელების, ხელმძღვანელის, რეცენზენტის, დაცვის დროისა და ადგილის, აგრეთვე კრედიტებისა და ფინანსური ვალდებულებების შესრულების შესახებ ინფორმაციის მითითებით;
  - 11.9. სემესტრის დაწყებიდან არაუგვიანეს ერთი თვისა სწავლების დეპარტამენტში

წარადგინონ საფაკულტეტო ბრძანებები მიმდინარე სემესტრში კომპონენტზე - „დისერტაციის დასრულება და დაცვა“ დოქტორანტების დაშვების შესახებ, აკადემიური და ფინანსური დავალიანების არარსებობის მითითებით (იხ. დანართი 11);

- 11.10. სესიების დაწყებამდე არანაკლებ ერთი თვით ადრე სწავლების დეპარტამენტში წარადგინონ სადისერტაციო საბჭოს თავმჯდომარის წარდგინების საფუძველზე მომზადებული საფაკულტეტო ბრძანებები დოქტორანტურის კვლევითი კომპონენტის კოლოკვიუმებისა და სემინარების კომისიების შემადგენლობისა და მათი მუშაობის განრიგის (ჩატარების ადგილი, კომისიების მუშაობის დაწყების დრო) შესახებ;
- 11.11. დისერტაციის დაცვამდე არანაკლებ ორი კვირით ადრე სადისერტაციო საბჭოს თავმჯდომარის წარდგინების საფუძველზე წარმოადგინონ ბრძანებების პროექტები დისერტაციების დაცვის დანიშვნის შესახებ დისერტანტის, თემის დასახელების, ხელმძღვანელის, რეცენზენტების, დაცვის დროისა და ადგილის, აგრეთვე კრედიტებისა და ფინანსური ვალდებულებების შესრულების შესახებ ინფორმაციის მითითებით;
- 11.12. სესიების დაწყებამდე ერთი თვით ადრე სწავლების დეპარტამენტში შესათანხმებლად წარადგინონ დასკვნითი გამოცდების ცხრილი;
- 11.13. უზრუნველყონ სამაგისტრო ნაშრომების დაცვის, დოქტორანტების სემინარის/კოლოკვიუმის, დისერტაციის წინასწარი დაცვისა და დისერტაციის დაცვის პროცესის სრული აუდიო (ვიდეო) ჩაწერა და ჩანაწერის კომპაქტ-დისკზე შენახვა, შესაბამისად, მაგისტრანტის ნაშრომის დაცვის, დოქტორანტის სემინარის/კოლოკვიუმის/დისერტაციის წინასწარი დაცვის/დისერტაციის დაცვის ოქმის დანართის სახით;
- 11.14. უზრუნველყონ აკადემიურ დეპარტამენტებთან ერთად სემესტრის განმავლობაში სტუდენტთა შეფასების უწყისების შევსების მონიტორინგი;
- 11.15. სემესტრის დამთავრებიდან ორი კვირის ვადაში სწავლების დეპარტამენტში წარადგინონ მოხსენებითი ბარათები სემესტრის ჩატარების, საბოლოო შედეგებისა და სტუდენტთა შეფასებების უწყისების რეგისტრაციის დასრულების შესახებ, აგრეთვე სტუდენტთა რეიტინგული სიები;
- 11.16. სემესტრის დამთავრებიდან ერთი თვის ვადაში სწავლების დეპარტამენტში წარადგინონ სტუდენტთა სწავლების შემდეგ წელზე გადაყვანის ბრძანებათა პროექტები;
- 11.17. სემესტრის დამთავრებიდან სამი თვის ვადაში სწავლების დეპარტამენტში წარადგინონ მოხსენებითი ბარათები კურსდამთავრებულებისათვის კვალიფიკაციის მინიჭებისა და დიპლომისა და დიპლომის დანართების მომზადების პროცესის დასრულების შესახებ;
12. კონტროლი ბრძანების შესრულებაზე დაევალოს სწავლების დეპარტამენტს (ი. ლომიძე);
13. ბრძანება გამოკრულ იქნეს თვალსაჩინო ადგილებზე და განთავსდეს უნივერსიტეტის ვებგვერდზე.

რექტორი

ვიზები:

ვიცე-რექტორი

ლ. კლიმიაშვილი

სწავლების დეპარტამენტის  
უფროსი ი. ლომიძე

სამართლებრივი უზრუნველყოფის  
დეპარტამენტის უფროსი ბ. მაისურაძე

ა. ფრანგიშვილი



სტუდენტთა მიღწევების შეფასება

I. სასწავლო კომპონენტი

1. საქართველოს ტექნიკურ უნივერსიტეტში პროფესიული უმაღლესი განათლების, ბაკალავრიატის და მაგისტრატურის სასწავლო კურსებში (საგნებში) შუალედური შეფასებები მოიცავს ყოველკვირეულ შეფასებებს და შუალედურ გამოცდებს (ტესტირებებს):

- ყოველკვირეული შეფასებები – მაქსიმალური ჯამური (სემესტრული) შეფასება არის 30 ქულა (2 ქულა X 15 კვირა);

- I შუალედური გამოცდა (ტესტირება) – მაქსიმალური შეფასება 20 ქულა;

- II შუალედური გამოცდა (ტესტირება) – მაქსიმალური შეფასება 20 ქულა;

ინდივიდუალურ საგანმანათლებლო პროგრამებზე მყოფი სტუდენტებისათვის სემესტრის განმავლობაში მითითებული ორის ნაცვლად ჩატარდება სამი შუალედური გამოცდა (ტესტირება):

- I შუალედური გამოცდა (ტესტირება) – მაქსიმალური შეფასება 20 ქულა;

- II შუალედური გამოცდა (ტესტირება) – მაქსიმალური შეფასება 20 ქულა;

- III შუალედური გამოცდა (ტესტირება) – შესაძლო მაქსიმალური შეფასება შეადგენს სხვაობას 30 ქულასა და სტუდენტის მიერ ყოველკვირეულ შეფასებებში ფაქტობრივად დაგროვებულ ქულებს შორის;

დასკვნითი/დამატებითი გამოცდის მაქსიმალური შეფასებაა 30 ქულა;

შუალედურ შეფასებებში პროფესიული უმაღლესი განათლებისა და ბაკალავრიატის სტუდენტებისათვის ჯამური მინიმალური დადებითი შეფასებაა 21 ქულა, ხოლო მაგისტრატურის სტუდენტებისათვის – 30 ქულა.

სასწავლო კომპონენტში დასკვნით/დამატებით გამოცდაში მინიმალური დადებითი შეფასება პროფესიული უმაღლესი განათლებისა და ბაკალავრიატის სტუდენტებისათვის შეადგენს 7,5 ქულას, ხოლო მაგისტრატურის სტუდენტებისათვის – 15 ქულას;

დასკვნით გამოცდაზე გასვლის უფლება ეძლევა სტუდენტს, რომელმაც თითოეულ შუალედურ გამოცდაში (ტესტირებაში) გადალახა მინიმალური კომპეტენციის ზღვარი (მიიღო არანაკლებ მინიმალური დადებითი შეფასებისა), ამასთან შეასრულა და დროულად ჩააბარა პროგრამით განსაზღვრული სამუშაოების მინიმუმი (ლაბორატორიული/პრაქტიკული/საკურსო, პრაქტიკის ანგარიში და ა.შ.);

2. დოქტორანტურის სტუდენტებისათვის სასწავლო კომპონენტებში ტარდება ორ-ორი შუალედური გამოცდა (ტესტირება):

- I შუალედური გამოცდა (ტესტირება) – მაქსიმალური შეფასება 30 ქულა;

- II შუალედური გამოცდა (ტესტირება) – მაქსიმალური შეფასება 30 ქულა;

დასკვნითი/დამატებითი გამოცდის მაქსიმალური შეფასება შეადგენს 40 ქულას;

შუალედური შეფასებების (ჯამური) მინიმალური დადებითი შეფასება შეადგენს 30 ქულას, ხოლო დასკვნითი/დამატებითი გამოცდის მინიმალური დადებითი შეფასება –

20 ქულას.

დასკვნით გამოცდაზე გასვლის უფლება ეძლევა დოქტორანტს, რომელმაც მთლიანად შეასრულა საგანმანათლებლო პროგრამით გათვალისწინებული წინაპირობები და შუალედურ შეფასებებში გადალახა მინიმალური კომპეტენციის ზღვარი (მიიღო არანაკლებ მინიმალური დადებითი შეფასებისა), ამასთან შეასრულა და დროულად ჩააბარა პროგრამით განსაზღვრული სამუშაოების მინიმუმი;

3. საბოლოო დადებითი შეფასების გაფორმების მიზნით სტუდენტი ვალდებულია გავიდეს დასკვნით გამოცდაზე (შესაბამისი უფლების არსებობისას – დამატებით გამოცდაზე) და გადალახოს მინიმალური კომპეტენციის ზღვარი (მიიღო არანაკლებ მინიმალური დადებითი შეფასებისა);
4. შუალედური შეფასებებისა და დასკვნით გამოცდაზე მიღებული შეფასების ჯამში 41-50 ქულის დაგროვებისას (FX შეფასება – ვერ ჩააბარა), ან აღნიშნული შეფასებების ჯამში 51 და მეტი ქულის დაგროვებისას, მაგრამ დასკვნით გამოცდაზე არასაკმარისი შეფასების მიღებისას, სტუდენტს აქვს იმავე სასესიო პერიოდში დამატებით გამოცდაზე ერთხელ გასვლის უფლება; დასკვნით გამოცდაზე დოკუმენტურად დასაბუთებული საპატიო მიზეზით გამოუცხადებლობისას სტუდენტს, სწავლების დეპარტამენტის წარდგინებით და რექტორის თანხმობით, მიეცემა დამატებით გამოცდაზე გასვლის უფლება;
5. დასკვნით და შესაბამის დამატებით გამოცდას შორის შუალედი უნდა იყოს არანაკლებ 5 დღისა; სტუდენტის მიერ დამატებით გამოცდაზე მიღებულ შეფასებას არ ემატება დასკვნით შეფასებაში მიღებული ქულათა რაოდენობა. დამატებით გამოცდაზე მიღებული შეფასება არის დასკვნითი შეფასება და აისახება საგანმანათლებლო პროგრამის კომპონენტის საბოლოო შეფასებაში;
6. სტუდენტს კრედიტი ენიჭება შეფასების თითოეულ ფორმაში მინიმალური კომპეტენციის ზღვრის გადალახვისა და შეფასების სისტემით განსაზღვრული, ერთ-ერთი შემდეგი დადებითი შეფასების მიღების შემთხვევაში.
7. შეფასების სისტემა უშვებს:
  - ა) ხუთი სახის დადებით შეფასებას:
    - ა.ა) (A) ფრიადი – 91-100 ქულა;
    - ა.ბ) (B) ძალიან კარგი – 81-90 ქულა;
    - ა.გ) (C) კარგი – 71-80 ქულა;
    - ა.დ) (D) დამაკმაყოფილებელი – 61-70 ქულა;
    - ა.ე) (E) საკმარისი – 51-60 ქულა.
  - ბ) ორი სახის უარყოფით შეფასებას:
    - ბ.ა) (FX) ვერ ჩააბარა – 41-50 ქულა, რაც ნიშნავს, რომ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება;
    - ბ.ბ) (F) ჩაიჭრა – 40 ქულა და ნაკლები, რაც ნიშნავს, რომ სტუდენტის მიერ ჩატარებული სამუშაო არ არის საკმარისი და მას საგანი ახლიდან აქვს შესასწავლი.

8. სტუდენტის საბოლოო შეფასება მიიღება შუალედური შეფასებებისა და დასკვნითი/დამატებითი გამოცდის შეფასების შეჯამებით. შუალედური შეფასებებისა და დასკვნითი გამოცდის შეფასების ჯამში 41-ზე ნაკლები ქულის დაგროვებისას (F შეფასება – ჩაიჭრა), ან შუალედური შეფასებებისა და დამატებითი გამოცდის შედეგად 51-ზე ნაკლები ქულის დაგროვებისას (შეფასებები FX ან F), ან დასკვნით/დამატებით გამოცდაზე არასაპატიო მიზეზით გამოუცხადებლობისას ან არასაკმარისი ქულის მიღებისას, აგრეთვე დოკუმენტური მასალის შეუსრულებლობის ან დროულად ჩაუბარებლობისას სტუდენტს უფორმდება შეფასება F-0 ქულა და მას საგანი ახლიდან აქვს შესასწავლი.

## II. სამეცნიერო-კვლევითი კომპონენტი

1. მაგისტრატურის სტუდენტებისათვის სამეცნიერო-კვლევით კომპონენტებში (პროსპექტუსი/კოლოკვიუმი/„სამაგისტრო საკვალიფიკაციო ნაშრომის დასრულება და დაცვა“) ერთჯერადად ტარდება დასკვნითი შეფასება/დაცვა, რომლის მაქსიმალური შეფასება შეადგენს 100 ქულას; პროსპექტუსისა და კოლოკვიუმის დასკვნით შეფასებაზე გასვლის უფლება ეძლევა მაგისტრანტს, რომელმაც შეასრულა და ხელმძღვანელს დროულად ჩააბარა პროგრამით განსაზღვრული სამუშაოების მინიმუმი; სამაგისტრო საკვალიფიკაციო ნაშრომის დაცვაზე გასვლის უფლება ეძლევა მაგისტრანტს, რომელმაც მთლიანად შეასრულა საგანმანათლებლო პროგრამით წინა სემესტრებში გათვალისწინებული ყველა კომპონენტი, ამასთან დაასრულა და ხელმძღვანელს დროულად წარუდგინა საკვალიფიკაციო ნაშრომი; ამ დანართის I პარაგრაფის მე-7 პუნქტის „ბა“ ქვეპუნქტით გათვალისწინებული შეფასების მიღების შემთხვევაში სტუდენტს უფლება ეძლევა გადამუშავებული სამეცნიერო-კვლევითი კომპონენტი (პროსპექტუსი/კოლოკვიუმი/სამაგისტრო საკვალიფიკაციო ნაშრომი) წარადგინოს მომდევნო სემესტრის განმავლობაში, ხოლო „ბბ“ ქვეპუნქტით გათვალისწინებული შეფასების მიღების შემთხვევაში იგი კარგავს იმავე პროსპექტუსის/კოლოკვიუმის/სამაგისტრო საკვალიფიკაციო ნაშრომის წარდგენის უფლებას;
2. დოქტორანტურის სტუდენტებისათვის სამეცნიერო-კვლევით კომპონენტებში (პროსპექტუსი/კოლოკვიუმი/„დისერტაციის დასრულება და დაცვა“) ერთჯერადად ტარდება დასკვნითი შეფასება/დაცვა.  
დისერტაციის დაცვაზე გასვლის უფლება ეძლევა დოქტორანტს, რომელმაც მთლიანად შეასრულა საგანმანათლებლო პროგრამით გათვალისწინებული ყველა კომპონენტი და კომპონენტში „დისერტაციის დასრულება და დაცვა“ დისერტაციის წინასწარ დაცვაზე მიიღო დარგობრივი კოლეგიის დადებითი შეფასება/რეკომენდაცია, ამასთან დაასრულა და დადგენილი წესით სადისერტაციო საბჭოში წარადგინა ხელმძღვანელის მიერ ხელმოწერილი დასრულებული დისერტაციისა და ავტორეფერატის ეგზემპლარები; სხვა სამეცნიერო-კვლევითი კომპონენტების (პროსპექტუსი, კოლოკვიუმი) საბოლოო შეფასებაზე გასვლის უფლება ეძლევა დოქტორანტს, რომელმაც მთლიანად შეასრულა საგანმანათლებლო

პროგრამით გათვალისწინებული წინაპირობები, ამასთან შეასრულა და დროულად ჩააბარა პროგრამით განსაზღვრული სამუშაოების მინიმუმი.

დოქტორანტურის საგანმანათლებლო პროგრამის სამეცნიერო-კვლევითი კომპონენტის/კომპონენტების შეფასების სისტემაა:

- ა) ფრიადი (*summa cum laude*) – 91-100 ქულა, შესანიშნავი ნაშრომი;
- ბ) ძალიან კარგი (*magna cum laude*) – 81-90 ქულა, შედეგი, რომელიც წაყენებულ მოთხოვნებს ყოველმხრივ აღემატება;
- გ) კარგი (*cum laude*) – 71-80 ქულა, შედეგი, რომელიც წაყენებულ მოთხოვნებს აღემატება;
- დ) საშუალო (*bene*) – 61-70 ქულა, საშუალო დონის ნაშრომი, რომელიც წაყენებულ ძირითად მოთხოვნებს აკმაყოფილებს;
- ე) დამაკმაყოფილებელი (*rite*) – 51-60 ქულა, შედეგი, რომელიც, ხარვეზების მიუხედავად, წაყენებულ მოთხოვნებს მაინც აკმაყოფილებს;
- ვ) არადამაკმაყოფილებელი (*insufficient*) – 41-50 ქულა, არადამაკმაყოფილებელი დონის ნაშრომი, რომელიც ვერ აკმაყოფილებს წაყენებულ მოთხოვნებს მასში არსებული მნიშვნელოვანი ხარვეზების გამო;
- ზ) სრულიად არადამაკმაყოფილებელი (*sub omni canone*) – 40 ქულა და ნაკლები, შედეგი, რომელიც წაყენებულ მოთხოვნებს სრულიად ვერ აკმაყოფილებს.

კომპონენტში – „დისერტაციის დასრულება და დაცვა“ ამ პუნქტის „ვ“ ქვეპუნქტით გათვალისწინებული შეფასების მიღების შემთხვევაში დოქტორანტს უფლება ეძლევა გადამუშავებული სადისერტაციო ნაშრომი წარადგინოს ერთი წლის განმავლობაში, ხოლო „ზ“ ქვეპუნქტით გათვალისწინებული შეფასების მიღების შემთხვევაში იგი კარგავს იმავე სადისერტაციო ნაშრომის წარდგენის უფლებას. დოქტორანტურის საგანმანათლებლო პროგრამის სხვა სამეცნიერო-კვლევითი კომპონენტებისათვის (პროსპექტუსი, კოლოკვიუმი) ამ პუნქტის „ვ“ ქვეპუნქტით გათვალისწინებული შეფასების მიღების შემთხვევაში დოქტორანტს უფლება ეძლევა გადამუშავებული პროსპექტუსი/კოლოკვიუმი წარადგინოს მომდევნო სემესტრის განმავლობაში, ხოლო „ზ“ ქვეპუნქტით გათვალისწინებული შეფასების მიღების შემთხვევაში იგი კარგავს იმავე პროსპექტუსის/კოლოკვიუმის წარდგენის უფლებას;

3. სამეცნიერო-კვლევითი კომპონენტი, როგორც წესი, უნდა შეფასდეს იმავე სემესტრში. სტუდენტს, რომელიც ვერ მოასწრებს დასკვნით შეფასებაზე გასვლას მიმდინარე სემესტრის სესიების ვადაში (იხ. დანართი 1), მიეცემა ჩაბარების უფლება დამატებითი გამოცდების პერიოდში ან მომდევნო სემესტრში (იხ. დანართი 2).

თუ მაგისტრანტი/დოქტორანტი წინა სემესტრის სამეცნიერო-კვლევით კომპონენტში დადებით შეფასებას მიიღებს მომდევნო სემესტრის დაწყებიდან არაუგვიანეს 6 კვირაში, მას მიეცემა სასწავლო ხელშეკრულების გაფორმების უფლება იმ კომპონენტის გავლაზე, რომლის წინაპირობაც მოცემული კომპონენტია. სამაგისტრო საკვალიფიკაციო ნაშრომის ან დისერტაციის დაცვის მიზნით სტუდენტს მიეცემა სტატუსის გაგრძელების უფლება დამატებითი სემესტრების ხარჯზე.

### III. ზოგადი ინფორმაცია

1. პროგრამით განსაზღვრული სამუშაოების მინიმუმის (ლაბორატორიული/პრაქტიკული/საკურსო სამუშაო, პრაქტიკის ანგარიში, პროსპექტუსი, სემინარი, თეორიული-ექსპერიმენტული კვლევა/კოლოკვიუმი, სამაგისტრო საკვალიფიკაციო ნაშრომი და ა.შ., გარდა დოქტორანტურის კომპონენტისა – „დისერტაციის დასრულება და დაცვა“) შესრულების და შესაბამისი დოკუმენტური მასალის ჩაბარების აღსანიშნავად, ელექტრონულ უწყისში სააუდიტორიო მეცადინეობების ბოლო კვირის შეფასებების ფანჯარასთან ერთად გაიხსნება შესაბამისი ფანჯარა (შემდგომში – დოკუმენტური მასალის ფანჯარა) სათანადო მონიშვნის გაკეთების მიზნით. დოკუმენტური მასალის ფანჯარა იხსნება პროგრამით განსაზღვრული თითოეული ჩასაბარებელი სამუშაოსათვის;
2. შესაბამისი დასკვნითი გამოცდის/დასკვნითი შეფასების/დაცვის უჯრა გაიხსნება სესიების პერიოდში, სტუდენტის მიერ დასკვნით გამოცდაზე გასასვლელად აუცილებელი ქულების დაგროვების (სასწავლო კომპონენტები) ან/და დოკუმენტური მასალის ჩაბარების (უწყისში სათანადო მონიშვნის) შემდეგ; დოკუმენტური მასალის ფანჯარა/ფანჯრები დაიხურება დასკვნითი გამოცდის ფანჯრის დახურვასთან ერთად;
3. დოქტორანტურის კომპონენტში – „დისერტაციის დასრულება და დაცვა“ უწყისში დოკუმენტური მასალის ფანჯრები გაიხსნება მე-9 სასწავლო კვირის დასაწყისში და დაიხურება სადისერტაციო საბჭოში დისერტაციისა და ავტორეფერატის წარდგენის ბოლო ვადის მომდევნო ორ სამუშაო დღეში (17 საათზე), ხოლო შესაბამისი დასკვნითი შეფასების (დაცვის) უჯრა გაიხსნება სესიების პერიოდში, სტუდენტის მიერ დოკუმენტური მასალის (დისერტაციის) ჩაბარების (უწყისში სათანადო მონიშვნის) შემთხვევაში;
4. სასწავლო კომპონენტის პედაგოგი ვალდებულია მეცადინეობის დაწყებამდე გაიაროს ელექტრონული რეგისტრაცია, შევიდეს აუდიტორიაში და ჩაატაროს მეცადინეობა სილაბუსის შესაბამისად. ჯგუფის გამოუცხადებლობის შემთხვევაში იგი ვალდებულია არ დატოვოს აუდიტორია 25 (ოცდახუთი) წუთის განმავლობაში, რის შემდეგაც ინფორმაცია მიაწოდოს შესაბამის დეკანატს და გააკეთოს აღნიშვნა რეგისტრაციის სისტემაში;
5. სასწავლო კურსის წამყვანი პროფესორი ვალდებულია ელექტრონულ უწყისში შეიტანოს სტუდენტის მიერ მიღებული შეფასება; სასწავლო კურსის წამყვანი პროფესორი ვალდებულია უზრუნველყოს სათანადო სასწავლო მასალის მიწოდება და სტუდენტის მიერ ყოველკვირეული შეფასების მიღების შესაძლებლობა იმ შემთხვევაშიც, თუ სასწავლო ცხრილის მიხედვით მეცადინეობის ჩატარება ემთხვევა უქმე დღეს; აღნიშნულის რეალიზაციისათვის დასაშვებია დამატებითი მეცადინეობების ჩატარება, თემების გადანაწილება ან სხვა ღონისძიებები, რომლებიც ხელს შეუწყობს სასწავლო პროცესის ნორმალურ მსვლელობას;
6. პრაქტიკა, რომლის ჩატარების ვადები სააუდიტორიო მეცადინეობების ჩატარების

ვადებს ემთხვევა (მაგალითად, პროფესიული უმაღლესი განათლების მე-5 სემესტრის პრაქტიკა), ისევე შეფასდება, როგორც დამოუკიდებელი სასწავლო კურსი ან მისი კომპონენტი (პროგრამით განსაზღვრული ფორმატის შესაბამისად);

7. პრაქტიკა, რომლის ჩატარების ვადები სააუდიტორიო მეცადინეობების ჩატარების ვადებს არ ემთხვევა, შეფასდება სილაბუსში აღწერილი და სწავლების დეპარტამენტში შეთანხმებული წესით, "უმაღლესი საგანმანათლებლო პროგრამების კრედიტებით გაანგარიშების წესის დამტკიცების შესახებ" საქართველოს განათლებისა და მეცნიერების მინისტრის 2007 წლის 5 იანვრის №3 ბრძანების მოთხოვნათა შესაბამისად.





საქართველოს ტექნიკური უნივერსიტეტი  
 ..... ფაკულტეტის

№ ..... აკადემიური ჯგუფის მამბისტრანტის/მამბისტრანტის სამეცნიერო-კვლევითი  
 კომპონენტის შუამდგომლობის ელექტრონული უწყისი № ....

სწავლების წელი:  სემესტრი:  სასწავლო წელი:

კომპონენტის დასახელება:

ხელმძღვანელი:

ECTS  
 კრედიტი:

№	ბგარი, სახელი	დოკუმენტური მასალა	საბოლოო შეფასება	
			ზღვრები	ფინანსები
1	მაქსიმალური ქულა	-	100	-
2				
3				
4				
5				
შენიშვნა				

ხელმძღვანელი:	ინიც. და გვარი	ბელომოწერა	ინიც. და გვარი	ფაკულტეტის დეკანი
დეპარტამენტის უფროსი	ინიც. და გვარი	ბელომოწერა	ინიც. და გვარი	ბელომოწერა
		რეგ. №	თარიღი	

საქართველოს ტექნიკური უნივერსიტეტი  
 ..... უკუფლტეტიის

№ ..... აკადემიური ჯგუფის დოქტორანტი/დოქტორანტი/სასწავლო კურსის  
 შემფასების ელექტრონული უწყისი № ....

სწავლების წელი:  სსწავლო წელი:

სემესტრი:

სწავლების წელი:

სასწავლო კურსის დასახელება:

წამყვანი პროფესორი:

ECTS   
 კრედიტი:

№	გვარი, სახელი		კვირის №				საბოლოო შეფასება	
	7	14	სულ შეფასებული კულა	18,19	20	დაზღვევა		
						დაზღვევა	დაზღვევა	
	I	II	სულ შეფასებული კულა	დაზღვევა	დაზღვევა	დაზღვევა	დაზღვევა	
	შეფასებული კულა	შეფასებული კულა	შეფასებული კულა	დაზღვევა	დაზღვევა	დაზღვევა	დაზღვევა	
	შეფასებული კულა	შეფასებული კულა	შეფასებული კულა	დაზღვევა	დაზღვევა	დაზღვევა	დაზღვევა	
1	30	30	60	40	40	100	-	
2								
3								
4								
5								
შენიშვნა								

წამყვანი პროფესორი:	ინიგ. და გვარი	ხელმოწერა	თარიღი
დეპარტამენტის უფროსი	ინიგ. და გვარი	ხელმოწერა	რეგ. №
		ინიგ. და გვარი	ხელმოწერა

საქართველოს ტექნიკური უნივერსიტეტი  
 ..... ფაკულტეტის

№ ..... აკადემიური ჯგუფის დოქტორანტის/დოქტორანტის სემინარის უფასოების  
 ელექტრონული უწყისი № .....

სემინარის დასახელება:  სემესტრი:  სასწავლო წელი:

სამეცნიერო ხელმძღვანელი:

ECTS კრედიტი:

№	კვირის №			საბოლოო შეფასება
	7	14	20	
	შუალედური შეფასებები, ქულა	შუალედური შეფასებები, ქულა	შუალედური შეფასებები, ქულა	
	I შუალედური გამოცდა (ტესტირება)	II შუალედური გამოცდა (ტესტირება)	ინდივიდუალური შეფასებები, ქულა	ინდივიდუალური შეფასებები, ქულა
	30	30	60	100
1	მაქიმალური ქულა			
2				
3				
4				
5				
<b>შენიშვნა</b>				

სამეცნიერო ხელმძღვანელი:	ინი. და გვარი	ხელმოწერა	თარიღი	ფაკულტეტის დეკანი
დოქტორანტის უფროსი	ინი. და გვარი	ხელმოწერა	რეგ. №	ინი. და გვარი
				ხელმოწერა

საქართველოს ტექნიკური უნივერსიტეტი  
..... ფაკულტეტის

№ ..... აკადემიური ჯგუფის დოქტორანტის/დოქტორანტების სამეცნიერო-კვლევითი  
კომპონენტის შუამავის ელექტრონული უწყისი № ....

სწავლების წელი:  სემესტრი:  სასწავლო წელი:

კომპონენტის დასახელება:

სამეცნიერო ხელმძღვანელი:

ECTS   
კრედიტი:

№	გვარი, სახელი	დოკუმენტური მასალა	საბოლოო შეფასება	
			ქულა	შეფასება
1	მაქსიმალური ქულა	-	100	-
2				
3				
4				
5				
შენიშვნა				

სამეცნიერო ხელმძღვანელი:	ინიგ. და გვარი	ხელმოწერა	თარიღი	ფაკულტეტის დეკანი
დეპარტამენტის უფროსი	ინიგ. და გვარი	ხელმოწერა	რეგ. №	ინიგ. და გვარი
				ხელმოწერა



